

इवनिंग डोगरी न्यूज़ बुलेटिन

समे .18:15 Hrs

Headlines

- पैहलगाम आतंकी हमले ते ओहदे पर आपरेशन सिंदूर दे रूपै च भारत दी प्रतिक्रिया पर विशेष चर्चा लोकसभा च 28 जुलाई गी कराई जाग।
- श्रीनगर च नाथ जोन लीगल कांफ्रेंस दा आयोजन, केंद्री कनून मंत्री अर्जुन राम मेघवाल, उपराज्यपाल मनोज सिन्हा ते मुख्मन्त्री उमर अब्दुल्ला बी होए शामिल।
- राष्ट्र अज्ज करगिल विजय दिवस दी 26मीं बरेगंड मना'रदा ऐ। सेनाध्यक्ष होरें युद्धनायकें गी सम्मानित करने आहली पैहल दी सराहना कीती, सीमा सुरक्षा लेई नमी ब्रिगेड कायम करने दा ऐलान कीता।
- आई.आई.एम जम्मू च डोगरा विरासत ते संस्कृति गी मनाने लेई अनोखी पैहल बंधन दी शुरूआत।
- ते शतरंज च फिडे महिला विश्व कप 2025 दे फाइनल च कोनेरू हम्पी ते दिव्या देशमुख आमने-सामने।

<><><><><><>

Spl Dis-Pahalgam Attack

संसदीय मामलें दे मंत्री किरन रिजिजू होरें आखेआ ऐ जे पहलगाम आतंकी हमले ते आपरेशन सिंदूर तैहत भारत दी प्रतिक्रिया बारे संगारें लोकसभा च इक खास चर्चा कीती जाग। कल नमीं दिल्ली च मीडिया कन्नै गल्लबात करदे होई श्री रिजिजू होरें आखेआ जे एह फैसला लोकसभा दे स्पीकर ओम बिरला हुंदी अध्यक्षता च बिजनेस एडवाइजरी कमेटी दी बैठक दुरान लैता गेआ ऐ। उनें दस्सेआ जे लोकसभा च इस बैट्स लेई 16एं घैंटें दा समां दित्ता गेआ ऐ। उनें इब्बी दस्सेआ जे राज्यसभा पर एहदे पर चर्चा औंदे मंगलवारें कीती जाहग ते एहदे लेई बी 16 घैंटें दा समें तय कीता गेआ ऐ। श्री रिजिजू होरें आखेआ जे बरोधी पार्टियां, आपरेशन सिंदूर पर चर्चा दी मंग करै करदि'आं हिआं ते सरकार पैहले दिनै थमां गै एहदे लेई राजी ऐ।

JKLA-Conference

न्याऽ तगर पुज्ज बधाने दी इक महत्वपूर्ण कोशश च जम्मू-कश्मीर कनूनी सेवा प्राधिकरण नै श्रीनगर दे एस.के.आई.सी.सी च उत्तर खेत्तरी सम्मेलन दा आयोजन कीता। इस कार्यक्रम च केंद्री कनून मंत्री अर्जुन राम मेघवाल, उपराज्यपाल मनोज सिन्हा ते मुख्मन्त्री उमर अब्दुल्ला होरें हिस्सा लैता। इस मौके पर बोलदे होई एल.जी मनोज सिन्हा होरें केंद्री कनूनें दे जम्मू-कश्मीर च पूरी चाल्ली लागू होने दे परैंत दलितें, जनजातीय महिलाएं आस्तै बरोबरी दे प्रावधान गी उजागर करदे होई दफा 370 गी हटाए जाने दे बदलाव आहले प्रभावे पर जोर दित्तां उपराज्यपाल होरें अगगे आखेआ।

तोआई, इस मौके पर बोलदे होई मुख्मन्त्री उमर अब्दुल्ला होरें कनूनी मदाद च सेवानिवृत्त रक्षा कर्मियें गी शामिल करने दी तरीफ कीती। उनें इस गल्लै पर जोर दित्ता जे इंसाफ असानी कन्नै उपलब्ध होना लोड़चदा ते एह हर कुसै आस्तै सुलभ होना चाहिदा।

COAS-Kargil Diwas

समूलचा मुख्म अज्ज कारगिल विजय दिवस दी 26मीं ब'रेगंड मना'रदा ऐ। सेना प्रमुख जनरल उपेन्द्र द्विवेदी होरें अज्ज भारत लेई जंग लड़ने आहले साबका फौजिएं दे सम्मान च केई महत्वपूर्ण पैहलकदमिएं गी शुरु करोआया। इंदे च 1999 दी कारगिल जंग थमां दलेरी भरोची कहानियां सांझी करने लेई इक क्यू.आर. कोड आधारित ऑडियो गेट-वे ते बटालिक खेत्तर च इंडस व्यूप्वाईट आहली पैहलकदमी ऐ जेहदे राहें उत्थे जाने आहले लोक, ओहू अनुभव हासल करी सकडन जेहडा कब्ज़ा रेखा पर फौजी जवानें अगगे पेश सख्त हालात कन्नै उ'नेंगी वाकफ करोआग। इ'नें परियोजनाएं दा मकसद आपरेशन सिजय दरान देसै लेई बलिदान देने आहलें बारै लोकें अंदर समझ गी होर विकसित करना ऐ। अज्ज कारगिल युद्ध स्मारक पर शहीदें गी श्रद्धांजलि अर्पित करदे होई

जनरल उपेन्द्र द्विवेदी होरें इक नमीं ब्रिगेड कायम करने दा ऐलान कीता। इस मौके बोलदे होई उ'नें आपरेशन सिंदूर बारै बी विचार सांझे कीते ते आखेआ

<><><><><><>

Udhampur-Kargil Diwas

तोआई कारगिल विजय दिवस दी 26मीं ब'रेगंड अज्ज उधमपुर जिले च जोश-जज्बे ते देशभक्ति दी भावना कन्नै मनाई गेई। समारोह दे इक हिस्से दे तौर उप्पर टाउनहॉल दे नेडे स्थित शहीद मेजर नारायण सिंह चौक पर श्रद्धांजलि स्थल पर इक कार्यक्रम दा आयोजन कीता गेआ जेह्दे च साबका फौजिएं, जिला अधिकारिएं ते समाज दे सब्भनें वर्गे थमां लोके हिस्सा लैता। एह्दे अलावा बक्ख-बक्ख शिक्षा इदारे थमां स्कूली बच्चें बी इस कार्यक्रमै च शिरकत कीती ते दलेर जवानें दे बलिदान गी चेत्ता कीता। इस मौके पर अपने बचार सांझे करदे होई साबका सैन्यकर्मी, मेजर (सेवानिवृत्त) उमाकांत शर्मा होरें आखेआ

<><><><><><>

IIM-Bandhan

दिलै गी छूनी आहली इक गैंहू दे तैह्त्त आईआईएम जम्मू आसेआ जगटी कैंपस दे मंडपम् ऑडिटोरियम च बंधन नांS दी पैहलकदमी रम्भी गेई। इस अनोखे प्रोग्राम दे तैह्त्त आईआईएम जम्मू दे विद्यार्थिएं गी मुकामी डोगरा परोआरें कन्नै जोड़ेआ जाह्ग ते उ'नें अपने घरें थमां दूर, अपने-पन दा अनुभव करोआंदे होई जम्मू दी सगोसार डुग्गर संस्कृति कन्नै वाकफ करोआया जाह्ग। इस कार्यक्रम दे राहें आईआईएम जम्मू दे विद्यार्थी, अपनी क्लासें दी हद्द थमां बाह्ग जाइयै मुकामी डोगरा परोआरें कन्नै मिलडन ते उं'दे बारै मता किश जानडन। इक ऐतहासिक गैंहू दे तैह्त्त 120 मुकामी डोगरा परोआरें इस पैहलकदमी दा हिस्सा बनदे होई आईआईएम जम्मू दे विद्यार्थिएं दा अपने घरें च सोआगत कीता।

<><><><><><>

प्रधानमंत्री नरेन्द्र मोदी होर कल ऐतवारें 29 जुलाई गी दिनें 11 बजे अपने माह्वार रेडियो कार्यक्रम “मन की बात” दे राएं देश-बदेश च रौहने आहले लोकें कन्नै अपने बचार सांझे करडन। एहू इस कार्यक्रम दी 123मीं किश्त होग जेहदा प्रसारण आकाशवाणी ते दूरदर्शन दे समूलचे नेटवर्क दे कन्नो-कन्नी आकाशवाणी खबरें दी वेबसाइट ते न्यूज़ ऑन ए.आई.आर मोबाइल ऐप ते डीडी न्यूज़, आकाशवाणी न्यूज़, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाहग। आकाशवाणी जम्मू आसेआ मन की बात दे तुरत मगरा एहदा डोगरी च अनुवाद प्रसारत कीता जाहग जिसी तुस रातीं 8 बजे इक बारी परतियै बी सुनी सकदे ओ। आकाशवाणी दा क्षेत्रीय समाचार एकांश जम्मू कल रातीं साढ़े 10 बजे “मन की बात” पर इक बशेश परिचर्चा बी प्रसारत करोग।

<><><><><><>

Reasi-Roads

रियासी जिले दे लोकें प्रधानमंत्री ग्राम सिड़क योजना दे तैहत 220 करोड़ रुपें दी लागत कन्नै 12 नमीं सिड़क परियोजनाएं गी मंजूरी दित्ते जाने दे सरकार दे फैसले दा बड़ा मता सोआगत कीता ऐ। जिले दे दूर-दरेडे इलाकें दे बसनीकें इस गैहू गी, उं'दा जीवन बदलने आहली पैहल करार दिं'दे होई आखेआ ऐ जे एहदे'नै उं'दे जीवन च सुरक्षा ते नमीं मेद पैदा होग। एहू सिड़कां स्कूलें, सेहत इदारे ते बजारें तोहड़ी पुज्ज गी बेहतर बनांदे होई प्हाड़ी जिले च रोजमर्रा दे जीवन च सकारात्मक बदलाव आहनने दा कम्म करडन ते इं'दे कन्नै मुकामी स्तर पर कम्म-रोजगार दे मौके बी पैदा होडन। रियासी दे विधायक कुलदीप राज दुबे होरें आखेआ ऐ जे इ'नें परियोजनाएं दा कम्म तौले गै शुरु होग। साढ़े जिला संवाददाता कन्नै इस बारै गल्ल करदे होई विधायक कुलदीप राज दुबे होरें आखेआ

<><><><><><>

Ayush-Ramban

इस्सलै चला'रदी श्री अमरनाथ जात्तरा दी पच्छौक्कड़ै च आयुष मैहकमा रामबन आसेआ श्रद्धालुएं गी सेहत स्हूलतां उपलब्ध करोआने लेई मेडिकल कैंप लाए गे ना। इनें कैंपें च मुफ्त जांच, दोआइयां, आयुर्वेद योग ते होरने सेहत सेवां प्रदान कीतियां जा'रदियां ना। एहू पैहलकदमी रामबन जिला प्रशासन आसेआ राश्ट्रीय जरैनली शिड़क एन-एच-44 पर सफल करने आहले तीर्थ जात्रुएं दी भलाई-बेहतरी यकीनी करने लेई कीती गेदी ऐ। इनें कैंपें दा मकसद समग्र सेहत स्हूलतें दी उपलब्धता यकीनी करना, मुफ्त सेहत जांच ते दोआइयां बगैरा उपलब्ध करोआना ऐ।

<><><><><><>

FIDE-Chess

शतरंज च कोनेरू हम्पी जार्जिया दे बटुमी च फिडे महिला विश्व कप 2025 दे फाइनल च साथी भारती मुकाबला करा दियां ना। एहू रोमांचक मैच जेड़ा दवें भारतीय खडारनें बश्कार खेड्डेआ जा'रदा ऐ अगले बरे होने आहले फिडे महिला केंडिडेट्स टूर्नामेंट च थाहर निश्चित करदा ऐ जित्थे जेत्तू गी विश्व चैंपियनशिप खताब आस्तै जू वेनजुन गी चनौती देने दा मौका हासल होग। एहू भारत च महिला शतरंज आस्तै इक महत्वपूर्ण पल ऐ, की जे इास चाल्ली दे अंतरराश्ट्री महत्व आहले टूर्नामेंट च विजेता ते उपविजेता दवें थाहरें पर इक भारतीय दा गै इक होग।

<><><><><><>